

適園叢書

張宗祥



通國書舍



張氏藏

通園叢書第六集

陸潤庠題



吳興張氏采
輯善本彙刊

適園叢書目

第六集

西吳里語四卷

明宋雷

五代史補考二十四卷

徐炯

滋溪文彙三十卷

元蘇天爵

𠂔

𠂔

里

𠂔

四

𠂔

語

四

齊

屬

吳

里

西吳里語引

予每觀漢會稽朱育述虞翻之對王興者以對濮陽府君未嘗不歎其偉博瞻麗焉矧我吳興故稱江表大郡山水清遠物產繁庶古今著節代不乏人烏可付諸無聞但學者慕遠遺近鑒識籠宇內而舉其鄉之故實曾不悉其十之一二卽有濮陽興之問其何辭以對予用是爲患且予夙好涉覽史傳乘載稗官小說之書凡事有屬我吳興者筆而出之不列歲代不序倫類信手實錄間有犯孔氏不語之戒踵史臣訛謬遺亡之失冀就正於觀者云爾

嘉靖丁未秋日吳興市隱居士宋雷撰

嘉慶丁未九月吳興市劉鳳士宋雷繼

題書之宋寶祐五州縣志云爾

編外不列前錄前平智義則有張正丑不請之無亂史因情
得乘源村自小滿之書其事有亂并吳興書筆而出之不
有期則典之問其辨賴以捷于用景為恩日千風我將覽史
錄或題新錄字內而舉其擬之嘉寶曾不悉其十之一二
神氣氣孤古今書伯升不云人無臣村語雖問明學香裏
皆不似其前則識與無賦從吳興地無王奏大勝山水書
千言書卷皆書宋寶祐書之捷王與書以捷鄭則林氏宋

西吳里龍氏



西吳里語卷一

吳興宋雷著

三吳蘇松爲東吳常潤爲中吳吳興爲西吳

湖州地古曰嵎中

晉太康中烏程縣治生蓮花名蓮花閣

吳興舊有陵亭吳孫權射虎於此權射虎時馬爲虎所傷權
投以雙戟虎卻常從擊以戈乃獲虎

智永禪師王逸少七代孫克嗣家法居吳興永欣寺閣三十
年臨逸少真草千文八伯本散在浙東諸寺有禿筆頭十
甕每甕皆數石後取筆頭瘞之號退筆冢自製誌詔人來
請書併請題額者如市所居戶限穴穿乃用鐵葉裹之謂

爲鐵門限人曰智永研作曰到逸少若研穿可到鍾索也
其徒智果會稽人亦居永欣寺隋煬帝甚善之工書銘石
其爲瘦造次難類嘗謂永師曰和尚得右軍肉智果得骨
吳興舊名紫金城又名極樂城隄曰平陽地曰餘安軍曰虎
狼

秦有烏氏程氏各善造酒合其姓爲烏程縣烏氏名巾程氏
名林張景陽七命云酒則荆南烏程是也

吳興上若村下若村出美酒蓋取若谿水造之故美亦名谿
谿劉夢得詩云鸚鵡杯中箸下春

在城飛英寺唐忠顓禪師建刺史高湜又改名宋改今額後
僧雲皎自長安來得舍利七粒歸建石塔藏之神光現於

頂又作木塔以籠之紹興中雷震知州常同獲立後沂王
夫人俞氏重修極爲工緻南北遊者覽之皆云未之見也
蘇子瞻云僕爲吳興守有遊飛英寺詩曰微雨止還作小
窗幽更妍盆山不見日草木自蒼然非吳越閒無此景元
趙子昂蜚英寺塔詩云梯飆直上幾百尺俯視層空馬背
過千里湖山秋色淨萬家煙火夕陽多魚龍滾滾危舟楫
鴻雁冥冥避網羅誰種山中千樹橘側身東望洞庭波
唐天寶末德清縣沈朝家母鵝育卵而出腸以死其雛仰天
號切銜芻草母前若祭奠長吁數聲而死沈氏併其母葬
之里名孝鵝豕出寰宇記今云長興人非是

宋梅聖俞送覺上人歸湖州詩有云子已得袍新蓋富相與

西華書卷二
二
覺紫衣故云

晉隆安中吳興有人年可二十自號聖公姓謝氏死已百年忽詣陳氏宅言是已舊宅可見還不爾燒汝一夕火發蕩盡因有鵝毛插地繞地周帀數重百姓因起廟

石旻有奇術唐寶歷中隨尚書錢徽至湖州嘗在學院子弟以文丈呼之忽於錢氏兄弟乞兔湯餅時暑月獵師數日方得因與其食笑曰可留兔皮聊誌一事釘皮斬土塗之上朱書一符獨言曰恨較遲錢氏兄弟詢之乃曰欲與諸君共記卯年也至太和九年錢於鳳翔遇害時乙卯歲梅聖俞送任適尉烏程詩云勉作程鄉尉折腰還自甘卞峯晴照黛雪水曉澄藍葑上春田闢蘆中走吏參到時蘋葉

長柳惲賦江南

吳興桑乞妻臨終執乞手曰我死爲當再婚不乞言不忍也服竟更娶白晝見其已死婦曰君先結誓云何負言因以刃割其陽道雖不致死人性永廢

梁吳均字叔庠吳興故鄣人也家世寒賤至均好學有俊才天監初柳惲爲吳興太守召補主簿日引與賦詩均文體清拔有古氣人目爲吳均體均嘗不得意贈惲詩而去久之復來惲遇之如故弗之憾也相贈詩見別條惲稱均於武帝卽日召入賦詩帝悅焉待詔著作先是均將著史以自名欲撰齊書借齊起居注及羣臣行狀武帝不許遂私撰齊春秋至是書成奏之稱帝爲齊明帝佐命帝惡其實

錄謂其書不實使中書舍人劉之遴詰問數十條竟支離
無對帝敕付省焚之坐免職尋有敕召見使撰通史起三
皇迄齊代均草本紀世家已畢惟列傳未就卒均注范曄
後漢書九十卷著齊春秋三十卷廟記十卷十二洲記十
六卷錢唐先賢傳五卷續文釋五卷文集二十卷均吳興
道中詩云團團日西靡客念已蹉跎長風倒危葉輕練網
寒波白雲光影麗青松意氣多所言多飽思忘我北山羅
均與施從事書云故鄞縣東有青山絕壁干天孤峯入漢
綠嶂百重青山萬轉歸飛之鳥千翼競來企水之猿百臂
相接秋露爲霜春蘿被徑風雨如晦雞鳴不已信足蕩累
頤物悟裏散真今長興縣南六十里有青山石竇通太湖

及洞庭山冬月常煖色如黛故名五代楊行密攻錢塘伏
兵青山卽此山均青山詩云家住青山下每上青山望青
山不可上一上一惆悵

梁蘇氏女於霅谿西南岸遇道士遺以五綵龜曰後必大貴
蘇適章景明生女爲陳武帝后因名其地曰貴涇浦又曰
章浦其中生重臺蓮花識者云主出美人後果生后章皇
后生而紫光照室少聰慧美儀容手爪長五寸色並紅白
有耨功之服則一爪先折善書計能誦詩及楚辭父封廣
德縣侯母安吉縣君

唐開元初蘇頲爲烏程尉忽墜于縣東南水中聞神語云扶
出蘇公因名曰蘇公潭

晉永昌中會稽張茂嘗夢象問占者萬推推曰象大獸取其
音獸者守也象以齒焚其身君必典大郡恐不得其死茂
後爲吳興太守王敦問鼎茂執正不移敦遣王充攻茂死
之茂妻陸氏後復夫仇詣闕爲夫謝罪追贈茂太僕又云
茂爲吳國內史少無慧美謝容平不疑正弟並孫
吳興畢再遇嘗騎一黑馬翹駿異常號黑大蟲再遇甚愛之
再遇卒其家以鐵絙羈之聞金鼓聲奮迅有赴敵意家人
曰將軍死汝莫生事馬聳聽汪然出涕哀鳴數聲而斃名
之曰義馬今考本傳再遇字德卿兗州人善戰宋南渡時
屢立戰功豈再遇自山東而寓於湖耶更詳之舊迎禧門
有畢氏園云再遇所葺開禧用兵諸將皆敗惟再遇數有